

BIBLIOTHEEK KITLV



0209 6475

823 089 096







Assalamu'alaykoom qawoom sjèedara,  
 Tuha ngon muda sinoë ngon sideeh.  
 Njoe pat na bak loon sioon tjalitra,  
 Ateneh hay geumpa batjut loon tuleeh.

Batjut loon rawi loon tji peughaba,  
 Akan sjèedara ngon dum na wareeh.  
 Deenja ka ahee wahoe sjèedara,  
 Bukuti ka na sinoë ngon sideeh.

Tjeempala meusu ditjoong u dara,  
 Aneug unggang dama njang panjang gateeh.  
 Batjut loon susoon gampoong Kruengraja,  
 Bak ureë geumpa bak beungoh Chaméh.

Nibak buleuen peuet bak tanggay duwa,  
 Poh lapin kira bak loon disideeh.  
 Bak thoon nam ploeh peuet ka djeued takira,  
 Ureë njan geumpa e dum na wareeh.

Sibleh redj laoot djisambot taga,  
 Legée boom wadja meusu leupah gleeh.  
 Matée beureutoeh sang guroeh teuka,  
 Ladju ngon geumpa hee bungong nireeh.

Freueng dilaoet dilèe tjalitra,  
 Kumuroot ehaha geu-eu disideeh.  
 Manong Srang-Manjang neukhan kenduwa,  
 Sab keuluna hitan ngon puteeh.

Udjoong Keulindoe teupuroo badja,  
 Lagi sjèedara udjoong Batèe Puteeh.  
 Peue lom di Lhook Tjut h'an djeneu takira,  
 Asab keuluwa meulapeeh-lapeeh.

Di Kentjhik Ali ka gli anggèta,  
 Bak tanoh data gendjak dong kendeeh.  
 Djalee lam laoot djiboot mubura,  
 Meugisa-gisa keunoe ngon kendeeh.

Qishah didarat loon surat landja,  
 Deungo sjèedara batjut loon rinteeh.  
 Ureueng lam peukan kende Kruengraja,  
 'Oh teuka geumpa bandum teu-eeh-eeh.

Takalon meugriet teubiet uluwa,  
 Ladoom tjoong mèdja teudueq mubareeh.  
 Leumari reubak beukah ngon katja,  
 Dum nan karoonja bak Tuhan sideeh.

Barang teupuroo h'antjoo bubee na,  
 H'antjoo ban badja tangieng beureuteeh.  
 Tjawan ngon pingen meukhan keduwa,  
 Sabooh lux Djawa mupajeeh-pajeeh.

Kuphi lam gajoong meusinthoong bea na,  
 Njang leupah gura ruti ngon pajeeh.  
 Ruti ngon timphan ngon boh meulaka,  
 Bandum jub mèdja ka mupajeeh-peeh.

Dipingan tapè ka lagèe bola,  
 Santen lam katja ka roo dum puteeh.  
 Nibak waroong bu njang lutju raja,  
 Habeeh bubee na dum eungkoot pajeeh.

Dikuwah eungkoot djigroob uluwa,  
 Batjut h'an lee na bandum ka habeeh.  
 Pingin ngon tjeupée wahée sjèedara,  
 Meuleua-leua beukah dum ka gleeh.

Dit'èn ie seuenem reuhung dilingka,  
 Bak dapu bada reubah rook binteeh.  
 Sajang tookee Lèh teuseeh-seeh raja,  
 Ateueh anggeeta leumari teu-eeh.

Tookee Lah beudoh teuploh ngon idja,  
 Buboong diluwa pih sroot disideeh.  
 Unteong na djigroob leuboob uluwa,  
 Dak h'an sjèedara 'umugeuh habeeh.

Keudè Njak Hasan pih meunan rupa,  
 Ka teulheueb bara sinan ka teu-eeh.  
 Keudè bang Rahman pih leukang bara,  
 Siblah rèdj luwa ka teulheueb binteeh.

Asoë lam keudè h'an djeneh takira,  
 Ka lagèe sire dum puteeh-puteeh.  
 Meunan deek pajoong gampoong Kruengraja,  
 Keudè pouet bandja bandum teu-eeh-eeh.

Dipasi eungkoot njang tjukoob gura,  
 Patch diingka djinoë hee wareeh.  
 Ureueng lam pasi h'an djeued takira,  
 Geuplueng uluwa ladju lee keudeeh.

Meugulee-gulee wahee sjèedara,  
 Ka lagèe bahla keunoë ngon keudeeh.  
 Ureueng ba eungkoot njang tjukoob gura,  
 Didalam raga habeeh roo bileeh.

Disinan reubah Allah Rabbana,  
 Teutieq teuh'anta teukrut ngon beuteeh.  
 Takalon ureueng keeng-keueng ban njang n  
 Gampoong Kruengraja sajang 'oh habeeh.

Rumoh teupuroo h'antjoo ngon runga,  
 Patch ngon bara teulheueb ngon binteeh.  
 Njang leupah sajang rumoh sikula,  
 H'antjoo djeundela bungkok rab teu-eeh.

Katja dum beukah patch ngon bara,  
 Buboong dum rata leukang meuireeh  
 Sajang aneug miet gampoong Kruengraja,  
 H'an pat beuladja batja teumuleeh.

Sabab ka tidjoh rumoh sikula,  
 Sajang loon raja murid disideeh.  
 Teutab meulang-lang agam ngon dara,  
 'Oh taeu rupa leupah that seudeeh.



Loon eu meuseudjih keubit weueh raja,  
 Tidjoh ie mata leupah that seudeeh.  
 H'ana lee teumpat tée bat nashuha,  
 Ka tjrah dilingka ka teulheueb binteeh.

Diateueh putjak reutek ubee na,  
 Taméh ngon bara patch ngon habeeh.  
 Adak meugeusud seumbahjang 'Asha,  
 Pajch diluwa tadong disideeh.

Dak takheun taloob teumpat biasa,  
 Teumkoot geumpa disinan teu-eeh.  
 Djinoë seumbahjang toë djalan raja,  
 Meuntkeuh rupa djinoë hee wareeh.

Waki Gubernur pih na gouteuka,  
 'Oh geu-eu rupa leupah that seudeeh.  
 Geu-eu meuseudjid rumoh sikula,  
 Heung duwa djuta beulandja habeeh.

Waher peumimpin njang bidjaksana,  
 Gampoong Kruengraja beung neugaseeh.  
 Neu-eu lakuwan pakriban rupa,  
 R'ajjat seungsara rumoh teu-eeh-eeh.

Dum inong balée djiroo ie mata,  
 Rumoh h'ana lee na ka teulheueb binteeh.  
 Rumoh si Doolah ka patch bara,  
 Rumoh si Hana taméh beureuteeh.

Rumoh si Insjah patah keuduwa,  
 Taméh dilingke bandum ka teu-eéh.  
 Rumoh si Amin tangieng seureupha,  
 Taméh ngon bara leukang dum habeeh.

Rumoh bang Dawood ka sroot meuleua,  
 Dirumoh makwa pih njan ka teu-eéh.  
 Rumoh pak guru h'an peue takira,  
 Sajangteuh raja reubah 'oh habeeh.

Rumoh si Ali meusundi landja,  
 Njang tan binasa rumoh makwa Keeh.  
 Njang djiseug taméh h'an djeued takira,  
 Ka sama rata bandum hee wareeh.

Njang beukah gutji h'an djeued bilcueng sa,  
 Bandum ka rata ie roo 'oh habeeh.  
 Gunong Srang Manjang beukah keuduwa,  
 Asab mubura djiteubiet puteeh.

Me-me si Amat h'ana meuh ka,  
 H'antjoo keu sira gobnjan hee wareeh.  
 Lagée hee rakan lam lantjang sira,  
 Meule mubura teubiet disideeh.

Tenoh habeeh tjrah ka wah dum rata,  
 Anoe ben badja djipo meutindeeh.  
 Diureueng inong lam lantjang sira,  
 'Oh teuka geumpa sinan teu-eéh-eéh.

Mupuseeng-puseeng ban gaseeng Djawa,  
 Beulangong sira ie dum ka habeeh.  
 Ladoom urumoh mèh-moh geugisa,  
 Djak eu aneuqnda dirumoh sideeh.

Ban trooh urumoh leumoh anggèta,  
 Sandeeng ngon bara teulheueb 'oh habeeh.  
 Pingen ngon tjeupée reulee bubee na,  
 Roo kuwah lada ngon kuwah bileeh.

Njang ladoom aneuq pih tan meubo ka,  
 Tangieng djak mita keunoë ngon keudeeh.  
 Teungoh geudjak-djak meusinthak lee pha,  
 Teuka lee geumpa tendueq lee po djeeh.

Allah e aneuq njang bidjèh mata,  
 Tawoë beusigra hee tjanteek kandeeh.  
 Meunenkeuh dum buet matjut ngon tjut da,  
 Tjukoob that gura loon-loon na sideeh.

Njang leupah seudeeh Sjèh Rih Kruengraja,  
 Mentong lam tika goh lom beudoh eeh.  
 'Oh ban meugeud'um 'am-'um dilingka,  
 Sjèh Rih Kruengraja ka geupok binteeh.

Geubuka pintoo tadjoo uluwa,  
 Geugroob ditangga reb patah gateeh.  
 Sajang that digob mèh-moh mubura,  
 Bak geumat bara rooh teugene binteeh.

Aneug lam gapiet ubit ngon raja,  
 Meuhila-hila dirumoh sideeh.  
 Gentroon bak reunjeun uleuen geuteuka,  
 Papeuen keu gandja gendong ka meutjeeh.

Tanoh binèh krueng reubung ban guha,  
 Bak djalan raja lagée geureeh.  
 Di Jalwa Utooh reufjoo h'ana sa,  
 Geu-eu Nèq makwa ulèe beureuteeh.

Ka kamèh-kamoh mèh-moh mubura,  
 Meunankeuh rupa jooh njan disideeh.  
 Meunjo urumoh h'an djeued meuchaba,  
 'Oh malam teuma dijub teu-eeh-eeh.

Sama teungoh leuen geujue leueng tika,  
 Booh oon meurija pakèk ngon binteeh.  
 Maguen pih dijub matjat ngon tjut da,  
 Rumoh dum teuma ka soh 'oh habeeh.

Nam uroë nam malam meunan bak kira,  
 Ureueng Kruengraja dijub geumcu-eeh.  
 'Oh taen ureueng wahèe sjeedara,  
 Ka thoo ie muka sinoë ngon sideeh.

Ka groot seumangat r'agjat Kruengraja,  
 Jooh teuka geumpa hee qawoom wareeh.  
 Baroo teuingat keu Tuhan asa,  
 Baroo teurasa eeh meukrut binteeh.

Njang leupah lutju taen sjèedara,  
 Dieneug dara teungoh seumeusrah.  
 Djipo deungan ie h'an peue takira,  
 Mubura-bura rakan meutuwah.

Di-ie dalam krueng mupuseeng gisa,  
 Udeueng ngon kadra h'an djeued tapeugah.  
 Ta-eu udarat djilumpat kadra,  
 Bak watèe geumpa dum peue ka susah.

Ureueng mapukat aratgeuh raja,  
 Lhèegeuh sibandja sinan ka reuboh.  
 Reuboh mapunjo lam anoe gasa,  
 Mupula-pula Si Min ngon Leem Lah.

Diapa Mubin keuleng meugisa,  
 Diapa Musa teuoot meukilah.  
 Diapa Bunthok teupok ngon para,  
 Ka keumong muka na bubee tjajah.

Umpama mitsee ditooke DJ'agfa,  
 Teuoot ka luka djiteubiet darah.  
 Leupah that gandjee loon pikée bahla,  
 Njang brat meutimpa lhèe boh dairah.

Njang brat meukeupoong gampoong Kruengraja,  
 Gampoong Lamteuba pih le tjit parah.  
 Gampoong Lamtemot pih gedj meutimpa,  
 Sabab sjèedara toë that Seulewah.

---

# L A N T E U B A

Bah teudueq dilèe gampoong Krueugraja,  
 Djinoë Lanteuba loon tjuba qishah.  
 Sideeh bak qawoom keu loon trooh chaba,  
 Sideeh sjèedara pih le museunah.

Rumoh dam b'antjoo teupuroo rata,  
 Nam plooh kemira teupuroo reubah.  
 Sireutooh duwa plooh laen binasa,  
 Didalem chaba meunan peuneugah.

Ka geupeugèdj seueug geuleueug ngon tika,  
 Hatee that lija keunan geuminah.  
 Njang mantong rumoh geupeusoh landja,  
 Geuba ngon tika geupeugèdj chimah.

Gampoong Lantamot pih godj seureupha,  
 Peuet plooh binasa lhèe plooh njang reubah.  
 Njang ka leumah ri dali pareexa,  
 Ureueng na djeumba bak Peumeurintah.

Sinoë ngon sideeh habeeh pareexa,  
 Lapuran geuba ken Peumeurintah.  
 Meunan hee wareeh geutuleeh chaba,  
 Ureueng pareexa meunan geupeugah.

Njang toë Seulawah ka shah lam bahla,  
 Le that seungsara ureueng dam sugeh.  
 Ateuh Blang Tingkeuem bendum lam bahla,  
 Sampoë Lambada rakan meutuwah.

Mengeunton ureueng na sidroë duwa,  
 Na njang patah pha djiteubiet darah.  
 Habeeh ro padee wahée sjèedara,  
 Minjeuq lam katja dum habeeh beukah.

Ladoom teusuet tooy djipatjhooy geumpa,  
 Padee lam tika ujub meuruwah.  
 Ladoom gutji djitadi bara,  
 H'antjoo ban sire ngon ie ka reunjah.

Ladoom teumakoot ka djigroob landja,  
 Sajang patah pha sinjak Hasballah.  
 Ladoom aneuq djiklik meu'a-'a,  
 Sabab njang ka-ka tan meunan ulah.

Ben bandum saree betee that googa,  
 Bandum sjèedara gadoh aruwah.  
 Ka habeeh reulce saree ban njang na,  
 Dum rumah raja bandum ka reubah.

Na salah batjut njang djeued ken tjupa,  
 Loon tuseö h'ana bandum meutuwah.  
 Njang na loon tuseö tjit sidroë sahaja,  
 Geurasi nama rumah Wa Bungkah.

Teuma loon eu lom hee bungong djeumpa,  
 Tjut abang Ipa nda tjeek Barwijah.  
 Njoë di Seulimeum pin meunan rupa,  
 Rumah njang raja gadoh ka reubah.

Rumoh KPDIS pih ka meutimpa,  
 Kantoopoh teuma pih njan habeeh wah.  
 Peue lam Lantamot njang godj lom bahla,  
 Na duwa bendja keude ka reubeh.

Habeeh dum keeng-keueng ureueng ka lija,  
 Hatee lam dada sang-sang ka beukah.  
 Rumoh dum habeeh teu-eoh dum rata,  
 Njang teulheueb bara taméh dum patch.

H'antjoo meukeupoong gampoong buet geump  
 Saléh pat puntja buet njoë meusalah.  
 Ditjinta 'alam pih meunan rupa,  
 H'an loon djeued buka loon takoot salah.

Sabab tan loon eu ngon duwa mata,  
 Pentjuma chaba bak loon gob peugah.  
 Meunjo tan taeu wahée sjèedara,  
 H'an djeued loon buka loon booh lam qish

Tutua Lantamot pih godj that rupa,  
 Meunuroot chaba kiwieng dum patch.  
 Sampee geuritan h'an djeued djilata,  
 Meunankeuh rupa chaba gob peugah.

Di Pedangtidji wahée sjèedara,  
 Asrama tantra dum habeeh reubeh.  
 Reubeh mupundjoot habeeh sroot runka,  
 Bukeuti njata loon kalou leumeh.



Didareohsalam kuta peuladja,  
 Aneug sikula bak djigroob patah.  
 Patah bak djigroob teot ka rungga,  
 Njan dunkeuh bahla neubri lee Allah.

Leubèh lom gerang dalam P.G.A.,  
 Sidroë sidara pangsan ka reubah.  
 Bak rumoh sakeet ledju ka geubr,  
 Laeen lom pih na njang teubiet darah.

Allahu Rabboon hoom ja Rabbana,  
 Salèh pat puntja buet njoë meusalah.  
 Wahee wareeh loon qawoon sjèedara,  
 Njoë ka tarasa dum noë beunalah.

Baroo phoen batjut geufok-jok doonja,  
 Dum pan meutimp rumoh dum reubah.  
 Peuc<sup>lom</sup> qiamat meuhet meuganda,  
 Wahee sjèedara leubèh lom parah.

Goh lom tjit tathèe sidum noë bahla,  
 Mantong tjit reuja mupoh beurakah.  
 Beudoh djak tèebat leugat beusigra,  
 Djugèt ngon dangsa dilée takeubah.

Neuman tjit rakan imeum pentuwa,  
 Beugajeem teuka ubak meunasah.  
 Neumeuhey r'cajat Migreeb ngon 'Isja,  
 Beusana rata jue djak djeuman'ah.

Bèk lee neujué buet dijub bak pala,  
 Seumbahjang 'assa bèk lee jub nipah.  
 Bèk lee beuet kitab limong plooh duwa,  
 Beuna djikira ubak meunasah.

Djalan di Lamno djinoë meupeet,  
 Habeéh djeued pareet bak jalan raja.  
 Djinoë geutanjoë rugoë meusakeet,  
 Adak tandeéb pih ka seungsara.

Udeéb seungsara laxana pidjeet,  
 Sabec djipitjeet lee ureueng luwa.  
 Djinoë meutuwah susah tandeéb,  
 Sikrak tjap reunggeet padec siguntja.

Sinoë ngon sideéh ka habeéh tjeureet,  
 Suleet tandeéb wahée sjèedara.  
 Ingat keu Tuhan watée djan sakeet,  
 Dak na meurateéb 'oh watée geumpa.

Masa goh geumpa tuwo keu rateéb,  
 Teungoh gob tjeureet tangieng geumbira.  
 H'antjoo ngon nanggroe paloë ngon bukeet,  
 Rumah meupeet reubah meutimpa.

Djimeusu tupé 'oh watée Mугreeb,  
 Russ meuleet-leet dibinèh data.  
 Joeh rab trooh Djeupang pih sigo sakeet,  
 Meujok-jok bukeet buet geumpa raja.

Njoë lom hee adoë ka sampoë sibleet,  
 Habeeh meuseupeet di Atjéh Beusa.  
 Ureueng Kruengraja meurana tjeureet,  
 Meusingkleet-paleet ureueng Lamteuba.

Ureueng Lamtamot mèt-mot meureeb-reeb,  
 Bak gaki bukeet rumoh meutimpa.  
 Ingat hee abu teungku ngon sajeed,  
 Njoë bak sang ka seeb 'umu njoë doonja.

Taprèh geuguloong lagèe oon reunggeet,  
 Laxsana pidjeet didalam tika.  
 Meunan umat njoë djinoë djiudeeb,  
 Lagèe sang ka seeb buhee njang ka na.

Bèk lee rakan beb gadoh meuleet-leet,  
 Doonja ka sakeet urat tjeuleungga.  
 Neu-eu siat-et ureueng meurateeb,  
 Ladoom tan sakeet ka habeeh njaw'a.

Ka lheueh ~~vigo roon jooh muntah-tjeureet~~,  
 Bak rumoh sakeet h'an eek takira.  
 Njoë lom ka geumpa bahja meuseupeet,  
 Taingat beuseeb wahèe sjèedara.

'Oh lheueh seumbahjang riwang bak rateeb,  
 Dalam tandeeb beusampooreuna.

'Oh noëkeuh tamat ehabe loon peuseeb,  
 Salcuem peuneu-eet SJEN RIN KRUENGRAJA.

P A N T O O N

Sigeunda rusa keumang beungoh,  
Sigeunda tanoh keumang sindja.  
Djiteuka geumpa djijok-jok rumoh,  
Djiteubiet danoh teupèh luka.

Sidom haloooh sidom tjeungèh,  
Sidom manèh dalam saka.  
Rumoh si Hawa patah tamèh,  
Rumoh si Manèh patah bara.

Bukon sajang loon eu boh djook,  
Bungong limpook lam tjeumara.  
Teuka geumpa meuh'amboo ook,  
Teubiet batook ureueng tuha.

Bak beurunjong binèh barieh,  
Bak tjeuradieh binèh paja.  
'Oh tapikee leupah seudih,  
Lagèe Sjèh Rih rab patah pha.

Bukon sajang loon eu kanot,  
Ngon sige ph'ot beukah duwa.  
Di Lanteuba pih ka mèt-mot,  
Kruengraja Lantemot pih ka googa.

Seeb dilèe!

SJÈH RIH KRUENGRAJA.

---

BANTUWAN.

Meumuroot ohaba njang loon kuteeb nibak PANTJATJITA njang teubiet di Banda Atjeh, na geubri bantuanuwan keu sjeedara-sjeedara njang ka mentimpa deungon bahja geumpe bak ureö 2 April 1964 di Kruengraja, Lamteuba ngon Lamtamot, nibak:

Dinas Sosial	Rp.	250.000.-
Warga Kodam I	"	250.000.-
Menteri Dalam Negeri	"	250.000.-
Menko Muljadi	"	1.000.000.-
Pengak	"	250.000.-
Gubernur Sumatera Selatan	"	100.000.-
Ro Rud I Medan	"	200.000.-
Penderma PANTJATJITA	"	60.000.-

Njang ka na Rp. 2.360.000.-

Geuharab bandum bantuanuwan njan beutrooh udjarö njang meuhag teurimong bek gadoh dirèdj.

Laeen nibak njan Heuseudjid deungon rumah sikula njang ka binasa njan akan geutangoong peugedj deungon bialja Pemerintah.

Mudah-mudahan ureueng njang ka meundeurita dalam bahja njan, bak mubahgija teu-  
ma deungon bek tuwo gobnjan dum geumeulekee  
bak Tuhan beulele geumendu'a.-

Amin!

BANDA ATJEH, 25 April 1964.-